



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 10. De Lauretana Virgine.

urn:nbn:de:hbz:466:1-38528

existimò, quotidie ex infernali bestiæ unguibus numerosas animas, spreto quovis mortis discrimine, eripientium. At jam Guairaniæ Socios non inferiora sectantes inspectum eamus.

ANTONII Ruisii, Guairaniæ Sociis pro Josepho Cataldino moderantibus, præfecturæ principium insignivit novæ gentis in Cœlorum Reginam amor singularis. Advexerat is è portu Boni-aëris Statuam Virginis Lauretanæ, Hispani sculptoris opus eximium, induxeratq; Lauretanum in oppidum, tantâ Neophytorum aggratulatione, ut abundè compensatam stagem, quam pestis in itinere fecerat, pergebatque in oppido facere, hâc unâ hospite assererent. Fama ad Divi Ignatii coloniam de speciositate Statuæ Marianæ perlata, quamvis pestis græssaretur, plures Neophyti accivit, ut oculos tanta Reginæ aspectu paſcerent, atentes, quodvis mortis periculum spernendum esse, præ illecebris occultâ quâdam virtute ab clementissima Principe in spectantium animos instillatis. Sed ne contagiosa lues Ignatianum oppidum eâ occasione corriperet, visum est Patribus cù tantisper transferendam esse. Quod ut decentius fieret, Ignatiani Neophyti viam duarum leucarum per intactas sylvas, quâ pompa ducenta erat, aperiuerent, & omnes, nemine dempto, antequam ad spectandam Imaginem prodirent, se fittere Sacerdotibus, Confessione conscientias suas expiari postulantes: aiebant enim indecorum esse, animo inquinato puritatis Matrem aspicere. Id idem cùm plerique Lauretanorum, antequam in suum oppidum Statuam invehherent, fecissent, non dubitatum eam mentem coelitus utrique injectam esse, ut existimarent MARIÆ favores ab iis sperati posse, qui se priùs cum ejus Filio reconciliasset. Certè id commodi octi-duano Virginalis hospitio Ignatiani Impetravere, ut ab lue liberarentur.

RESTITUTA loco suo Virginis statuâ, quinque è nostris Sacerdotibus Lauretum adjuvando peste afflatos convenere. In quos sic officia distributa sunt, ut duo conscientias agrorum. Sacramentis diu noctuque procurarent: totidem sectione venarum & alius remediis corporibus mederentur. Joanni verò Vasæ templi cura & sepeliendorum cadaverum concessa est. Sexaginta corpora uno die aliquando sepulta sunt: cùm vis mali mitissimè ageret, viginti trigintâ terræ mandabantur. In eo opere Joannem Vasæ pestilenis aura afflavit, sustulitque. Tornacum Gallo-belgicæ urbs, verus Nerviorum sedes, ei patria fuit: præter aliarum artium studia, Musicam ita coluit, ut in Alberti Austriaci & Isabellæ Clarae Eugeniæ odænum adscitus, eorum favorem meruerit. Canonicatu & alio Beneficio donatus, cùm ampliora ab tantis Principibus sperate posset, jam Sacerdos, Societati JESU nomen dare maluit. Sed quod pater ejus, tenuis fortuna homo, negaret se sine filii subsidio vitam sustentare posse, è tyrocinio dimissus, annuo censu parenti impetrato, Religioni nostræ iterum consecravit. In Belgio per pagos concionabundus frequenter excurrens, Indicis missionibus prælufit. Unam è transmarinis provinciis ambienti, quamvis speciosior offerretur, Paraquaria ob laborum Apostolicorum famam placuit. E portu Boni-aëris in Guairaniam missus, Laureti sexennium perficit, ubi Ethnici baptizandis & Neophytis poliendis egregiam planè operam navavit. Sed præcipua ejus gloria fuit, artem Musicam Neophytes docuisse; & in comperto est, ab ejus schola, in nova Neophytorum oppida, Societatis operâ per varias Paraquariæ Provincias construenda, usum Musicae artis, & instrumentorum symphoniacorum, cum ingenti Divini cultûs augmento fuisse derivatum. Quidam ejus virtutes, hæc ex Antonii Ruisii, qui sexennio ei præfuit, authographo accipe. Quidquid, inquit, Angelica puritati, quam profitebatur, officere poterat, Ioannes Vasæ cane pejus & angue oderat: quo odio id assequuntus est, ut per sex annos integros in media & penè nuda barbarie ne levem quidem contra Castitatem incuriam exhiberet, nec unquam in somnis illudi se senserit. Quoridam ante somnum juxta lectulum Angelo suo Custodi sedem collocabat, quâ honoris exhibitione, & vario celestum Genitorum cultu, agnatam Angelis puritatem impetrasse creditus est. In summis torrida Zone caloribus, quamvis febricitaret, nunquam, nisi monito Superiore,

CAPUT
X.
De Lauretanâ Virgi-
ne.

Neophytorum
erga Virgi-
num amor.

Expositi ad
visendam
Virginem
procedunt.

CAPUT
XI.
De vita &
morte Joa-
nnis Vasæ.

Pestis.

Joannis Va-
sæ patria.

Artis musicae
peritia.

Parentum
tenetias.

Labores
apostolici.

Mores inti-
gri.

Erga Ange-
lium Custo-
dem devotio.

aguam